

Quod Alb. Jahn, vir graecarum litterarum cum antiquae tum christianae aetatis scientissimus, a. 1865 (in praefatione editionis Methodii p. VIII) questus est, philologos esse „iusto neglegentiores patrum ecclesiae“, idem Wilamowitz a. 1905 in libro illo qui inscribitur „Die Kultur der Gegenwart“ I, 8, p. 210 de Gregorio Nazianzeno loquens his verbis notandum duxit: „es ist eine Schmach, daß die Philologen noch nicht einmal für eine einigermaßen leidliche Ausgabe seiner Gedichte gesorgt haben; wenn er kein Kirchenvater, sondern ein schäbiger Poetaster wäre, der einen abgestandenen mythologischen Stoff breitträte, wie Quintus . . . , hätte er sie längst“. Huic tamen malo medendi initium iam factum est. Nam proximo saeculo exeunte „Borussica academia litterarum“ christianorum scriptorum graecorum trium priorum saeculorum libros ab eruditis edendos curare coepit. Atque paucos abhinc annos „academia litterarum Cracoviensis“ editionem graecorum quarti saeculi patrum eccl. apparare instituit compluresque iam de Greg. Naz., qui primus edetur, commentationes Thadd. Sinko (in commentariis qui „Eos“ inscribuntur) emisit. Verba autem scriptorum posterioris aetatis ut recte intellegantur falsoque tradita emendentur et libri genuini ut a subditis internoscantur, elocutionis singulorum propriae cognitione opus esse quam accuratissima haud facile quisquam negaverit. Ad inceptum igitur illud iuvandum aliquid afferre conabor disserendo de sermone Basilii illius Caesariensis, quem constat mira doctrinae varietate, iudicii sanitate, orationis elegantia „τὰ ἔξωθεν παιδείματα“ in Christiani nominis usum convertisse eandemque non paucorum librorum falso auctorem esse nominatum. Universam vero elocutionem persequi cum per spatium libello scholastico datum non liceat, de syntaxi sola explicabo idque ita, ut Attici semper sermonis ratione habita collatoque, quoad eius fieri poterit, usu scriptorum κοινῆς διαλέκτου, papyrorum titulorumque, atticistarum, Novi Testamenti, patrum ecclesiae auctorumque vitarum sanctorum, Byzantinorum, hodierni denique sermonis simul imago quaedam adumbretur vicissitudinum, quas lingua graeca per tot saecula totque genera hominum experta est.

Aliorum libros ad grammaticam pertinentes saepius adhibui maximamque partem compendiis significabo hosce: Bernh. = Bernhardy, Wissenschaftl. Syntax der griech. Sprache, 1829; Bl. = Bläß, Gramm. des neutest. Griechisch, 2. Aufl., 1902; Bttm. = Buttman, Gramm. des neutest. Sprachgebrauchs, 1859; Hatzid. = Hatzidakis, Einleitung in die neugriech. Grammatik, 1892; Jann. = Jannaris, An historical Greek grammar, London 1897; Kh. = Kühner, Ausführl. Gramm. der griech. Sprache, zweiter Teil, 3. Aufl., 1. Band 1898, 2. Band 1904 (I indicabit prius volumen illius partis, II alterum, insequens numerus paginam); Kr. = Krüger, Griech. Sprachlehre, 6. Aufl., 1891; Mullach, Gramm. der griech. Vulgarsprache, 1856; Schm. = Wilh. Schmid, Der Attizismus in seinen Hauptvertretern, 1887/96; Soph. lex. = E. A. Sophocles, Greek lexicon of the Roman and Byzantine periods, New York 1888; Stahl, Kritisch-historische Syntax des griech. Verbuns der klass. Zeit, 1907; Thumb, Handbuch der neugriech. Volkssprache, 1895; Viteau, Étude sur le Grec du Nouveau Testament, Le Verbe, 1893; Win. = Winer, Grammatik des neutest. Sprachidioms, 6. Aufl., 1855 (W.-Schmiedel II., 8. Aufl., 1897/98). Praeterea interdum consului quae de posteriorum sermone scripserunt: Boehner, De Arriani dicendi genere, 1885; Compennass, De sermone graeco volgari Pisidiae Phrygiaeque, 1895; Fritsch, Der Sprachgebrauch des griech. Romanschriftstellers Heliodor II, 1902; Fritz, Die Briefe des Bischofs Synesius, 1898; Hartmann, Untersuchungen über den Gebrauch der Modi in den Historien des Prokop von Caesarea, 1903; Kratt, De Appiani elocutione, 1886; Malina, De dictione Polyaeana, 1854; Mann, Über den Sprachgebrauch des Xenophon Ephesius, 1896; Melcher,

De sermone Epicteteo 1907; v. Müller, De Teletis elocutione, 1891; Reffel, Über den Sprachgebrauch des Agathias, 1894; Reinhold, De graecitate patrum apostolicorum librorumque apocryphorum, 1901; Schmidt, Guil., De Flavii Josephi elocutione (Fleck. Ibb. Suppl. XX), 1894; Stich, De Polybii dicendi genere, 1880; Tröger, Der Sprachgebrauch in der pseudolonginianischen Schrift *περὶ ὕψους* I. 1899; Usener, Der hl. Theodosios, 1890; Der hl. Tychon, 1907; Weißenberger, Die Sprache Plutarchs I. 1905; postremo indices, quos Bonnet ad acta apostolorum apocrypha a. 1903, Ed. Schwartz ad Eusebii h. e. a. 1903, Bonnensis societatis philologiae sodales ad Marcum Diaconum (de vita Porphyrii episcopi) et ad Callnicum (de vita S. Hypatii) a. 1895, Gelzer ad Leontium Neap. (de vita Ioannis) a. 1893 confecerunt. Alia suo quidque loco memorabo.

Ex permagno librorum numero, qui Basili vel sunt vel habentur, segregandum duxi „commentarium in Isaiam“ a plerisque Basilio abiudicatum itemque libros quos vocant „asceticos“, quorum magna certe pars non est ab illo conscripta. Perscrutatus autem sum notisque indicabo haec scripta Basiliana:

hex. = homiliae in hexaëmeron (Migne, Basili operum tom. I.).

ps. = homiliae in psalmos (ib.).

Eun. = adversus Eunomium libri tres (ib.).

hom. = viginti quattuor homiliae de variis rebus (Migne, tom. III.).

Inter has propter singulare dicendi genus seorsum notabo undevicesimam:

adul. = ad adulescentes de legendis gentilium libris.

sp. s. = liber de spiritu sancto (Migne, tom. IV.).

ep. = epistulae (ib.).